



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

Name of School : PLK TANG YUK TIEN COLLEGE

学校名称 : 保良局董玉娣中学

Name of Play 剧名 : 捆

Script writer 剧作者 : 陈晞瑶、林珈榆 (学生)

Synopsis 故事大纲 :

她睁眼。

狭小漆黑的空间里，她被困。

柜子外是父亲的谩骂。不够，不够，还是不够。

她的身上被数出一个又一个缺陷。这些陷进去的地方，被凿出一个又一个洞，使她不能完整。

而那些无法达到的标准，是一条绳，穿梭在洞与洞之间，让她铭记，使她捆绑。

條地十年，几经逃走离别。

她再睁眼。

她还被捆在那狭小漆黑的柜子里，耳边响起父亲的谩骂声。

到底捆绑她的是父亲，是标准，还是她自己？

在这只教晓人要修补缺陷、追求更好的地方，她终究会学识将自己松绑，然后以自爱之名让缺口得以完整。



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

序

(小温和小张在玩捉迷藏游戏，敲门声。小温进来，拿起电台的咪。)

小温： 咳咳！(大声)搵到你喇，张诗然！出黎啦！！！！

(小温打开小张躲藏的门)

小张： 哗！！我聋喇！

小温： 哈哈，我就知道你系呢度！

小张： 车！又俾你搵到..

小温： 点会搵唔到呀！我地次次都厘喺度架啦！今次到我厘埋喇！你记住黎搵我涡。

小张： 得喇！我地讲过架嘛，我地边个厘埋都一定一定要搵到对方。所以，你厘埋系边我都会搵到你架！今次，到我黎搵你喇！（闭眼）十，九，八....

(小温立即跑走)



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

第一场

(温晓与张诗然并排坐在会见室内，温紧抓着一迭先前预备好的资料低头呢喃，调整心情)

温： 主管好，我系温晓，系浸大新闻与数码媒体系慨 year4 学生。我想做 anchor 既原因系——

温： 主管好，我系温晓，系浸大新闻与数码媒体系慨 year4 学生。我想做 anchor 既原因系认为呢个方式可以传递资讯及思想，可以带动社会有更多正能量。我认为我拥有良好慨语文水平，绝对能够胜任呢个职位。

温： 主管好，我系温晓，系浸大新闻与数码媒体系慨 year4 学生——

(Stan 及同事A 进内。)

Stan: (身板贴向椅背，翘着二郎腿) Hello, 我系阿 Stan, 面试慨时候应该个别见过大家架喇！但系你地应该未见过慨系咪？简单介绍下自己啦，黎紧呢几个月，你地就要一齐做野架啦。

Stan: 温... (翻动资料夹) 晓？你先啦。

温： (缓缓抬头，对上主管一眼，眼神躲避) 系...主...管好，我系温晓，(张稍微转向温，随即回望主管) 系...浸大新闻与数码媒体系慨 year4 学生。我想做 anchor 既原因系——系认为——(突然捂住心口急喘气) 系认为——(突然定睛，瞪大眼睛，恐惧一闪而过)

(电话铃声响起)

温： (停下，猛抬头，看见所有人都看着自己) 唔好意思！我去听个电话先。(赶忙执拾着文件与袋子，跑出会见室)



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

第二场

(温站在 anchor 主管办公室门口，深呼一口气，犹豫地敲下房门)

温： 你好，主管，我系...温晓。对唔住我啱啱太紧张所以...

Stan: (摆摆手) 得喇，明既。你唔使咁紧张啲，我地呢度好 casual 嘅...

温： 好。多谢...主管。

Stan: 唔洗咁生外啲，叫我 Stan 得喇。

温： 嗯嗯。

Stan : 系喇，讲开啱啱你走左之后我仲宣布左个你地 intern 要做既 project，你睇睇先。

温： 《共聆》？主要系希望透过讨论各种心理知识与情绪个案，与观众共同聆听，获取共鸣，共聆、共鸣。

Stan: 你同阿然一齐砌份后个礼拜三 podcast 既 script 出黎，呢两个礼拜你地会直接 under 节目副总监，头先讲果啲既 details 佢会再同你地讲。记得表现好啲啊，表现好既话，等你地 grad 咗之后好大机会搵返你地返嚟做架。(递上一份文件)

温： (收下文件) 好，我会俾心机。咁，我出返去做嘢先喇。(45 度鞠躬，却突然发现这个行为的突凹，开门离去)

(门外张正在等温出来，温一开门看见张，有点吓到，后是想避开)

张： 喂！温晓，仲记唔记得我系边个啊。

温： 我地...识得？(开始感到不自在)

张： 下？你小学同学阿然咩！leh, 果阵系校园电台个器材柜识果个呢.....真系唔记得？我记得你果阵升左上圣诺亚一中，跟住我就联络唔到你，我仲一个人喊到傻左...(笑) 你应该换左电话？

温： 哦...阿然...我记得喇...对唔住，头先一时之间我 load 唔到...我换左好几个电话....(正思考如何接应下一句)

张： 噢...唔紧要啦。系啲...头先你有嘢咩嘛？

温： 我有事。

张： 不如...我地放工一齐食个饭顺便叙下旧好无？

温： 额...下次...下次先啦，我今日...应承左妈咪返屋企食饭。听日见！（低头离开）

同事A: 喂阿然，一齐食饭？

张： (疑惑地望向温) 喔，好。



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

第三场

(温进家门)

温： 点解咁乱㗎！

(温把手提袋、各种文件和饭盒放回各自的位置后，折叠外套才安心坐下饭桌前，重舒一口气)

(温边打开饭盒餐具边启动平板电脑)

(温开始边吃饭边工作，时不时用手指按动眉心与太阳穴)

(温突然看了看手表，顿时停下手中工作，合上吃不完的饭盒，紧盯手机，并住呼吸)

(手机铃声响起，温还是吓了一跳)

温： (压制住颤抖的声音)

爸： 今日点？

温： 几好。主管话，黎紧会俾我地 host 个节目做主持，表现得好既话，grad 咗之后好有机会搵返我地返嚟做。同埋，我撞翻张诗然，小学果个朋友。佢真系变左好多，佢——

爸： 朋友？

温： 系，以前我仲同佢讲我地大个左要一齐做主播。

爸： 我几时教过你职场上有朋友呢样野？竞争紧既就只会系敌人。你当人地系朋友人地会当你 系咩？同埋，我系问你今日表现点。

温： 我...我今日...有 d 紧张所以...

爸： 你究竟可唔可以争气啲呀？系唔系又想无左今次慨工作机会呀！

温： 唔系...我已经改善左好多架喇

爸： 我已经听左好多次，我已经听厌喇！就算你瞒到我，但系你永远都唔会瞒得住自己。你宜家定位系边，你自己最清楚。唔该你好好反省下！

(爸 cut 线，沈默半晌然后深呼吸一口气，打开电脑继续埋首工作。)

(不久，电话讯息铃声响起，温犹豫了一会，然后按下群组内的录音。)

同事 B： (VO) 阿然，你听日唔好惊左就唔返黎啊下，我记住你条数㗎，无得走。

张： (VO) 无打算走数㗎，听日第一个到公司又点话？

同事 A： (VO) 咦~咩料吖，张相边个揸机㗎，宜家小儿麻痹？阿然！系咪你！我记得㗎，我记得系你！